




Republic of the Philippines
Department of Education
CARAGA REGION



Hulyo 28, 2021

MEMORANDUM REHIYUNAL
Blg. 558, s. 2021

Sa: MGA PANSANGAY NA TAGAPAMANIHALA NG MGA PAARALAN
MGA KAWAKSING PANSANGAY NA TAGAMANIHALA NG MGA PAARALAN
Ang Rehiyong Ito

PAGDIRIWANG NG BUWAN NG WIKANG PAMBANSA 2021

1. Bilang paggunita sa kalayaang nakamtan ng mga Pilipino, ipinagdiriwang taon-taon ang Buwan ng Wikang Pambansa. Ipinalabas din ng Komisyon ng Wikang Filipino (KWF) ang tema ngayong taon **"Filipino at mga Wikang Katutubo sa Dekolonisasyon ng Pag-iisip ng mga Pilipino"** na naglalayong ilaan ang Agosto bilang lunsaran ng mga pagpupunyagi sa kasaysayan ng bansa at mga wika.
2. Ang taonang pagdiriwang na ito ay nakatugon sa Proklamasyon Blg. 1041 s. 1997 na nagsasaad na ipinagdiriwang natin ang Buwan ng Wikang Pambansa kada Buwan ng Agosto sa pagpapatibay ni Pangulong Fidel V. Ramos. Maliban sa nakatakda sa nasabing proklamasyon, ito rin ay paggunita sa kaarawan ni Pangulong Manuel L. Quezon, ang Ama ng Pambansang Wika, kada ika-19 ng Agosto.
3. Sa hangaring makiisa sa taunang pagdiriwang na ito, ang Kawanihan sa Paglinang ng Kurikulum o Bureau of Curriculum Development katuwang ang Kawanihan sa Linangan ng Pagkatuto (Bureau of Learning Delivery) ay magsasagawa ng paligsahan sa **pagsulat ng sanaysay at pagsulat ng malayang tula**. (Tingnan ang nakalakip na Memorandum sa karagdagang detalye)
4. Gayundin bilang pagpupunyagi, ang rehiyon ay magkakaroon din ng birtwal na pambungad na palatuntunan sa **Agosto 9, 2021, 8:00 n.u.** via MS Teams kasabay ang pagpapakita nito sa Facebook.
5. Inaanyayahan ang lahat ng Kawani ng Tanggapan ng Rehiyon Caraga, mga Tagapamanihalang Pansangay, mga Kawaksing Tagapamanihalang Pansangay, mga Hepe ng CID, mga Hepe ng SGOD, at mga Tagamasid Pansangay na makilahok at sumali sa link meet.google.com/pxc-ycjp-usr. Habang ang mga guro at iba pang nagnanais na tunghayan ang pambungad na palatutunan ay manood sa FB Live.
6. Hinihikayat din ang bawat isa na magsuot ng Kasuotang kakatawan bilang isang Pilipinong nagmamahal sa kanyang bansang minamahal.



Address: J.P. Rosales Avenue,
Butuan City
Trunkline No: (085) 342-8207
Telefax No: (085) 342-5969
Email: caraga@deped.gov.ph



2021-07-9255

Document Control No:
DepEdRO13-REC-013/R3/02-18-2020

7. Upang maisakatuparan ang layuning ito, inaasahan ang bawat sangay na magkaroon ng isang buwang gawain na naaayon sa preperensya ng nasasakupan. Sa pamamagitan nito, maipapakita at mapapahalagahan ang pagdiriwang ng Buwan ng Wikang Pambansa sa gitna ng naranasang pandemya.
8. Inaasahan din ang pagsusumite ng isang naratibong ulat sa nagawang pagdiriwang sa Lunes, Setyembre 6, 2021.
9. Sa dagdag na katanungan, maaring sumangguni at mag-email kay mariaconsuelo.jamera@deped.gov.ph. o magmensahe sa 09120821145 o sa 09171304852.
10. Maaga at malawakang pagpapalaganap sa Memorandum na ito ay inaasahan.


EVELYN R. FETALVERO, CESO IV
Direktor IV *EW*

Kalakip: Wala
Sanggunian: DM-OUCI-2021
Ilalagay sa Palagiang Palatuntunan
sa ilalim na sumusunod na paksa:

CELEBRATION

CURRICULUM

FILIPINO

CLM/mcj
07/26/2021




Republic of the Philippines
Department of Education
PANGALAWANG KALIHIM NG KURIKULUM AT PAGTUTURO

BCD-CSDD-O-2021-2483

MEMORANDUM
DM-OUCI-2021-272

PARA SA : Ministro, Ministeryo ng Batayan, Mas Mataas at
Teknikal na Edukasyon ng BARMM
Panrehiyong Direktor
Tagapamanihalang Pansangay ng mga Paaralan
Tagapamuno/Punongguro ng mga Paaralan
Iba pang Kinaauukulan

MULA KAY : 
DIOSDADO M. SAN ANTONIO
Pangalawang Kalihim
Kurikulum at Pagtuturo

PAKSA : **PANAWAGAN SA PAGLAHOK SA PAGSULAT NG SANAYSAY AT
PAGSULAT NG MALAYANG TULA**

PETSA : 16 Hulyo 2021

1. Bilang pakikiisa sa pagdiriwang ng Buwan ng Kasaysayan at Buwan ng Wika 2021 na may temang *Filipino at mga Wikang Katutubo sa Dekolonisasyon ng Pag-iisip ng mga Pilipino* na naglalayong ilaan ang Agosto bilang lunsaran ng mga pagpupunyagi sa kasaysayan ng bansa at mga wika, ang Kawanihan sa Paglinang ng Kurikulum o *Bureau of Curriculum Development* katuwang ang Kawanihan sa Linangan ng Pagkatuto (*Bureau of Learning Delivery*) ay magsasagawa ng paligsahan sa pagsulat ng sanaysay at pagsulat ng malayang tula.
2. Nilalayon ng paligsahang ito na:
 - a) mabigyang pagkilala ang natatanging kakayahan at kasanayan ng mga guro't mag-aaral sa pagsulat;
 - b) mapili at mabigyang parangal ang mga orihinal na akda ng mga guro't mag-aaral sa pagsulat ng sanaysay at malayang tula;
 - c) makita ang bisa ng kurikulum sa pagtuturo at pagkatuto ng wika
 - d) mapaigting ang paggamit ng wikang Filipino sa pamamagitan ng pagpapaunlad ng mga akdang pampanitikan; at
 - e) makapangalap ng mga akda na magagamit bilang supplemental na mga babasahin.



Republic of the Philippines
Department of Education
PANGALAWANG KALIHIM NG KURIKULUM AT PAGTUTURO

BCD-CSDD-O-2021-2483

3. Kaugnay nito, inaanyayahan ng BCD ang lahat ng mga kwalipikadong guro't mag-aaral na lumahok sa paligsahan. Bukas ang timpalak sa apat na dibisyon mula sa mga pampublikong paaralan taong panuruan 2020-2021:
Baitang 4-6 (Elementarya)
Baitang 7-10 (Junior High School)
Baitang 11-12 (Senior High School)
Mga guro na nagtuturo ng Filipino
4. Hindi maaaring lumahok ang sinumang nakapaglathala na ng akdang may parehong paksa o nagwagi na sa anumang paligsahan sa pagsulat tulad sa KWF at iba pang kinikilalang mga patimpalak sa pagsulat ng mga akdang pampanitikan.
5. Ang mga kalahok ay kinakailangang may *active email account* na mapagdadalhan ng konfirmasyon kung sakaling ang ipinasang lahok o entri ay pasado sa mga kahingian at maisasama sa pinal na paghuhusga ng mga hurado.
6. Para sa Baitang 4-6, maaaring gamitin ang *email account* ng magulang, kapamilya o di kaya'y *email account* ng tagapayo na siyang gagabay sa mag-aaral sa paglahok.
7. **Isang (1) kategorya lamang** (tula o sanaysay) ang maaaring salihan ng kalahok at **isang (1) entri lamang** din ang maaaring ipasa.
8. Ang entring ipapasa ay nasa wikang Filipino, kailangang orihinal ang akda, hindi pa nailalathala at hindi isang salin mula sa ibang wika.
9. Ang mga kalahok ay kailangang maghanda ng mga sumusunod:
 - a) Kopya ng kompiyuterisadong lahok o entri
 - Isang MS word format
 - Gamit ang font na Arial 12 pt
 - Double spaced para sa **pagsulat ng sanaysay** at single spaced para sa **pagsulat ng malayang tula** sa A4 size (bond paper)
 - May palugit na isang (1) pulgada sa itaas, ibaba, at gilid.
 - b) Sagisag-panulat (pen name) lamang ang gagamitin at hindi pinahihintulutang gumamit ng anumang pahiwatig ng tunay na pangalan ang mga kalahok sa ipapasang entri.
 - c) Kasama ng entri na ipapasa ang mga sumusunod na kahingian na naka-pdf format:
(1) **Pormularyo ng pahintulot ng magulang o tagapangalaga**



Republic of the Philippines
Department of Education
PANGALAWANG KALIHIM NG KURIKULUM AT PAGTUTURO

BCD-CSDD-O-2021-2483

- (para sa mga mag-aaral);
- (2) **Pormularyo sa Paglahok ng Mag-aaral**
Pormularyo sa Paglahok ng Guro:
- (3) curriculum vitae at bionote (para sa mga guro);
- (4) 2x2 retrato ng kalahok (*recent* at naka-jpeg format); at
- (5) kopya ng balidong ID o *Certificate of Enrollment* para sa mga mag-aaral (*naka-pdf format*)
10. Ang mga soft copy na dokumento at entri ay kailangang ipaloob sa nakatalagang link sa bawat dibisyon:

Pagsulat ng Sanaysay	Dibisyon	Link
Baitang 4-6	A	https://bit.ly/BCD-BNW-Sanaysay-Dib-A
Baitang 7-10	B	https://bit.ly/BCD-BNW-Sanaysay-Dib-B
Baitang 11-12	C	https://bit.ly/BCD-BNW-Sanaysay-Dib-C
Mga Guro na nagtuturo ng Filipino	D	https://bit.ly/BCD-BNW-Sanaysay-Dib-D

Pagsulat ng Tula	Dibisyon	Link
Baitang 4-6	A	https://bit.ly/BCD-BNW-Tula-Dib-A
Baitang 7-10	B	https://bit.ly/BCD-BNW-Tula-Dib-B
Baitang 11-12	C	https://bit.ly/BCD-BNW-Tula-Dib-C
Mga Guro na nagtuturo ng Filipino	D	https://bit.ly/BCD-BNW-Tula-Dib-D

11. Tatanggapin ang unang isandaang (100) entri hanggang **10 Agosto, 5nh** ngunit kung maabot na ang inaasahang bilang bago ang itinalagang *deadline*, awtomatiko nang isasara ang *submission link* para sa paghinto ng pagtanggap ng mga lahoc.
12. Lahat ng entri ay susuriin batay sa pagsunod sa kahingian. Ang mga entri na kulang ang dokumento at hindi nakasunod sa hinihinging pamantayan ay hindi na mapabibilang sa opisyal na listahan ng mga lahoc o entri.
13. Ang iba pang mekaniks at pamantayan sa pagpili ng mananalong lahoc ay nakapaloob sa **LAKIP Blg.1**
14. Ang mga mananalong kalahok ay gagantimpalan ng mga sumusunod:
- Unang gantimpala** – PHP10, 000.00, sertipiko, at medalya (ginto)
- Pangalawang gantimpala** – PHP7,500.00, sertipiko, at medalya (pilak)
- Pangatlong gantimpala** – PHP5,000.00, sertipiko, at medalya (tanso)

Makatatanggap din ng Sertipiko ng Pagkilala ang mga Tagapayo ng mga mananalo



Republic of the Philippines
Department of Education
PANGALAWANG KALIHIM NG KURIKULUM AT PAGTUTURO

BCD-CSDD-O-2021-2483

15. Ihahayag ang mga mananalong entri at kalahok sa huling linggo ng **Agosto 2021** sa pamamagitan ng FB Page ng **DepEd Philippines**.
16. Ang pasiya ng Lupon ng Inampalan ay pinal at hindi na mababago.
17. Ang sinumang mapatunayang gumawa ng isang pandadaya ay hindi palalagpasin. Kakanselahin ng Kawanihan sa Paglinang ng Kurikulum o Bureau of Curriculum Development ang ipinagwaging entri.
18. Pára sa karagdagang detalye, maaaring makipag-ugnayan kay **Ma. Luisa M. Cantillo**, Senior Education Program Specialist ng Bureau of Curriculum Development – Curriculum Standards Development Division (BCD-CSDD), ikatlong palapag, Gusali ng Bonifacio, Kagawaran ng Edukasyon Central Office, Deped Complex, Meralco Avenue, Pasig City o sa Erya ng Filipino sa sulatroniko na bcd.csdd.filipinoerya@deped.gov.ph
19. Hinihiling ang maagap na pagpapalaganap ng Memorandum na ito.



Republic of the Philippines
Department of Education
PANGALAWANG KALIHIM NG KURIKULUM AT PAGTUTURO

BCD-CSDD-O-2021-2483

LAKIP BLG. 1

**PATNUBAY SA PALIGSAHAN SA PAGSULAT NG SANAYSAY AT MALAYANG TULA
PARA SA PAGDIRIWANG NG BUWAN NG WIKA 2021**

I. Pagsulat ng Sanaysay

A. Mekaniks

1. Sa pagsulat ng **sanaysay**, dapat maiugnay ng mga kalahok ang mga paksang napili ayon sa kanilang dibisyon:

Dibisyon	Paksa
Baitang 4-6	Ang aking Karanasan sa Pagtutulungan ng aming Pamayanan
Baitang 7-10	Ang Gampanin ng Wikang Filipino sa Maayos na Pagkakaunawaan ng Magkakalayong Pulo
Baitang 11-12	Ang Kahalagahan ng Wikang Filipino sa aking Pagka-Pilipino
Guro sa Filipino	Mula Kolonyalismo, Tungo sa Nasyonalismo: Papel ng Wikang Pambansa at mga Katutubong Wika sa Pagbabagong-Oryentasyon ng Bansa

2. Ang mga entri sa bawat dibisyon ay kinakailangang magtaglay ng mga sumusunod na bilang ng mga salita:

Baitang 4-6 (Elementary)	400-500 na salita
Baitang 7-10 (Junior High School)	500-600 na salita
Baitang 11-12 (Senior High School)	700-800 na salita
Mga Guro sa Filipino	800-1000 na salita



Republic of the Philippines
Department of Education
PANGALAWANG KALIHIM NG KURIKULUM AT PAGTUTURO

BCD-CSDD-O-2021-2483

B. Pamantayan

PAGSULAT NG SANAYSAY		
Nilalaman at Kaugnayan sa Paksa	kaangkupan at kabuluhan ng isinasaad	30%
Organisasyon	kaisahan ng diwa at daloy na talakay	30%
Estilo	orihinalidad, pagkamalikhain	30%
Mekaniks	wastong pagbaybay, gramatika, at bantas	10%
Kabuoan		100%

II. Pagsulat ng Malayang Tula

A. Mekaniks

1. Sa pagsulat ng malayang tula, dapat maiugnay ng mga kalahok ang mga paksang napili ayon sa kanilang dibisyon:

Dibisyon	Paksa
Baitang 4-6	Ang Pangangalaga ko sa aking Sarili at sa aking Komunidad
Baitang 7-10	Ang Papel ng Pakikipagtalastasan sa Panahon ng Isolasyon
Baitang 11-12	Ang Wikang Filipino bilang Wika ng Paghilom
Guro sa Filipino	Dekolonisasyong Pangwika sa Gitna at sa Kabila ng Globalisyon

2. Ang mga entri sa bawat dibisyon ay kinakailangang magtaglay ng mga sumusunod na bilang ng mga taludtod:

Baitang 4-6 (Elementary)	8-12 taludtod
Baitang 7-10 (Junior High School)	12-20 taludtod
Baitang 11-12 (Senior High School)	12-20 taludtod
Mga Guro sa Filipino	15-20 taludtod



Republic of the Philippines
Department of Education
PANGALAWANG KALIHIM NG KURIKULUM AT PAGTUTURO

BCD-CSDD-O-2021-2483

B. Pamantayan

PAGSULAT NG MALAYANG TULA		
Kasiningan	kaangkupan at kabuluhan ng isinasaad	40%
Gamit ng Wika	anyo,estilo, at pagkamalikhain	30%
Kaugnayan sa Tema	wastong pagbaybay, gramatika, bantas, at mabisang gamit ng mga salita	30%
Kabuoan		100%